

“Gvangjsih Fungcingz” Youq Hwzlungzgyangh Baijyienh Daegsaek

“广西风情”冰城展魅力

Mboengqgonq, Gvangjsih Minzcuz Lizsij Vwnzva Canj youq Hwzlungzgyangh Swngj Bozvuzgvanej canjlanj. Aen canjlanj neix sijsaeq gangj le gij gojgaeq Bouxcuengh, Bouxgun, Yauzcuz, Myauzcuz, Dungcuz, Mulaujcuz, Mauznanzcuz, Veizcuz, Gingh-cuz, Yizcuz, Suijcuz, Gwzlaujcuz daengj saujsu minzcuz cojyouq gih raeuz. Baez Gvangjsih Minzcuz Lizsij Vwnzva Canjlanj neix aeu “Ouhloz fungsug, Gvangjsih fungcingz” guh cujdiz, baen baenz “Ouhloz Cincou”, “Gyongdoengz Vwnzva”, “Hajsaek Gvangjsih” sam aen bouhfaenh, gungh canjlanj ok gak cungj gak yiengh vwnzvuz 147 gienh(dauq), hawj gyoengq ginzcong dangdieg baijyienh le fungsug, fungcingz daegsaek gih raeuz. (Vangz Sungh)



▲ Gvangjsih Minzcuz Lizsij Vwnzva Canj youq ndaw Hwzlungzgyangh Swngj Bozvuzgvanej canjlanj.

► Gyoengq bouxngonz mizyinx dwk roq aen gyongdoengz yiengjdungdung.



Cingsih Yen Aeundaej “Mbanj Aendomq Gvangjsih” Cwnghauh

靖西县获“广西绣球之乡”称号

Vihliux gyavaiq daegsaek hangnieb ginghci fazcanj, coicaenh gihyiz canjyez youhsi baenz vaiq di, caiq daezsang minzcuz lijyouz doxgaiq gunghyi cizlieng, sawj aen binjbaiz “Aendomq Cingsih” neix youq hawciengz ndaw guek engqgya mizmingz, bi’ gvaq, Cingsih Yen yiengq Swcigih Wginghlenzse bauq aeu “Mbanj Aendomq Gvangjsih” daegsaek gihyiz aen cwnghauh neix. Ginggvaq conghyah gaujhwzcuj bae dangdieg gaujcaz bingzsaemj, nyinhnaeuz aen yienh neix canjyez fazcanj diuzgen ndei, vanzging ndei, hab gij diuzgen “Mbanj Aendomq Gvangjsih” yauhgiuz haenx. Geij ngoenz gonq, Swcigih Wginghlenzse cingqsik hawj Cingsih Yen aen cwnghauh “Mbanj Aendomq Gvangjsih”. (Cinz Cin)



▲ Aendomq hoengzfwdfwd.



▲ Cangh guh aendomq Cuh Cujen caeuq dahlwz de guh aendoma.

Makdumh Diemz Youh Rang Nungzminz Angqfaengfaeng

草莓丰收农家乐



▲ Ciengj Gveiswngh song gvanbaz youq ndaw reihmakdumh mbaet mak-dumh bae gai.

Bineix, Cenzcouh Yen makdumh youh ndaej fungsou lo. Youq ndaw 8 moux reihmakdumh gvangqlangh haenx, aen makdumh hoengzrwgrwg, youh rang youh diemz, yinx haujlai boubuenq caeuq bouxyouz daeuj cawx. Gaiq reih 8 moux neix dwg gaiqreih Cenzcouh Yen Myaudouz Cin Sizdung Cunh nungzminz Ciengj Gveiswngh, Ciengj Gveiswngh youq Gvangjdungh dajgoeng seiz hag ndaej gisuz ndaem makdumh, bi’ gvaq dauqma ranzmbanj bau le 8 moux reih daeuj ndaem makdumh, aenvih rox dajndaem gisuz, makdumh maj ndaej gig ndei. Haeuj Yenzdan daeuj, makdumh de laebdaeb ndaej gai lo, moix gaen makdumh gai 18 maenz. Ciengj Gveiswngh naeuz, de ndaem makdumh ndaej fouq le, lij aeu daiq vunz ndaw mbanj ndaem, son gisuz dajndaem hawj daihgaya, caeuq beixnuengx ndaw mbanj itheij fatcaiz baenzfouq.

Lozyez: Nae Haucancan Yinx Hek Daeuj

乐业:大石围景区雪景引客来

Mboengqneix daeuj, Lozyez, Lungzlinz, Lingzyinz daengj yienh miz mbanj diegrungh luegbya haenx, givwnh doek daengz lingz doh doxroengz, gwnz bya gizgiz nae haucancan, gofaex deng nae suek dwk lumj aenliengj hau nei, doengh gij nga faexcoengzmok haenx ceiq gyaundeiz yinx vunz lo, ngade ronghliglig, duenghyaebyaeb, bivengveng, raemxnae giet youq byainga yaek ndik mbouj ndik, lwenq da raixcaix, yinxdaeuj haujlai bouxyouz ndaw guek caeuq guekrog daeuj youzngonz. Lozyez Yen soqlaiz ndaej vunz heuhguh “Doengbaek Iq”, dieg gingj gyaundeiz yienh de—Gumzdasizveiz hix nae haucancan, gyaundeiz dangqmaz. (Siuh Fazlingz)



▲ Bouxyouz youq ndaw nae Gumzdasizveiz guhcaemz sani dangomaz.